


9
A D
ILLVSTREM
D. PHILIPPVM
FVGGERV M
BARONEM IN KIRCOMBERG
ET VVEYSENHORN.



VERONÆ,
Apud Hieronymum Discipulum,
M D LXXXV.

AD ILLVSTREM D.
PHILIPPVM FVGGERVM
BARONEM IN KIRCOMBERG
ET VVEYSENHORN.



O *MHI* castalios fontes si fata dedissent
Ebibere, aut Pindi scandere posse iuga.
O si Parnassi gelidis recubare sub antris
Possem cum Phæbo, Pieridumq; choro:
Non ego Romanas acies, pugnatâq; bella
Sub Troia, aut Bacchum, terrigenasq; feros;
Non diros canerem Lapithas, solisue labores;
Alcidem aut fortem, Mirmidonasq; truces:
FVGGERE, sed nostris vellē te intexere chartis,
Insignem genuit quem generosa domus.
O te nascentem, placido quàm lumine vidit
Iuppiter omnipotens, in tua fata bonus.
Dat tibi Cecropios ridens Erycina lepores;
Magnanimi eloquium vertice nata Iouis;
Junoq; diuitias; animos ad facta viriles
Egregia, inuictus qui mouet arma deus.
Mira

Mira tua est probitas, magna est clementia, casti
Sunt mores, sanctus religionis honos.
Et facit ingenium, vultus & Apolline digni,
Te priscos atavos iam superare tuos.
Ast ego quid faciam? cum sim semotus ab oris,
Quas Aganippæus perluit amnis aqua.
Nec mea Palladia velentur tempora fronde,
Nec possim Aoniæ tangere plectra lyre.
Et tua sunt merita, ò procerum clarissime, tanta,
Ut nisi diuina sis celebrandus opes.
Si me deficiunt tanto sub pondere vires,
Non de te fileat Calliopæa cohors.
Te canet hæc semper, clarumq; beabit Olympo,
Et firma nomen sistet in arce tuum.
Non tibi præcipuè POLÆ facundia docti
Defuerit, memorans inclyta facta tua.
Huic dedit, auricomus, claria testudine, Phæbus,
Inuitis parcis tollere ad astra viros.
Iste tuas celebri componet carmine laudes,
Et capiti nectet florea ferta tuo.
Cum te ego non possim digna celebrare camæna,
Mens addicta tamen seruiet usq; tibi.
Forsitan ac olim plectro maiore canemus,
Quæ nunc pertenuis dicere musa vetat.
Tunc

Tunc Phæbo aspirante mihi, musisq; secundis,
Ediscet nomen qualibet ora tuum.

Te noscet quicunq; Tagum, celeremq; Garumnā
Ebibit, & Nilum, Danubiumq; vagum.

Teq; leget Medus, leget Indus, et ultima Thyle;

Et Quot sol moriens, occiduusq; videt.

Interea misus nostros ne sperne benignus;

Nunquam contemnunt munera parua dei.

Petrusfranciscus Toccolus Veron.